



PRÓFUN Í BOÐUN RÝMINGAR

Miðvikudaginn 24. maí kl. 13 munu Lögreglustjórnir á Austurlandi og Neyðarlínan, í samstarfi við Fjarðabyggð og Almannavarnir, vera með prófun í boðun rýmingar með SMS skilaboðum. Tilgangur hennar er að leita upplýsinga um það hvers vegna SMS skilaboð berast ekki í alla síma sem staðsettir eru á því svæði sem þau eru send á, líkt og gerðist í snjóflóðunum í Neskaupstað í mars síðastliðnum.

Prófunin fer þannig fram að SMS skilaboð verða send á þéttbýliskjarninn í Neskaupstað, póstnúmerasvæði 740. Í skilaboðunum segir skýrt að um **prófun almannavarnaboða sé að ræða.**

Þess er vinsamlegast óskað í framhaldinu að allir þeir sem staðsettir eru á umræddu svæði á þeim tíma sem skilaboðin eru send og fá þau ekki í farsíma sína, á tímabilinu frá kl. 13:00 til 13:30 þennan dag, tilkynni það rafrænt með því að svara spurningum á eftirfarandi slóð: **www.112.is/bodunartilkynning**

Með góðum viðbrögðum samanber ofangreint gefst tækifæri á að bæta bæði fjarskiptakerfi landsins og viðbragðskerfi almannavarna. Það er því afskaplega mikilvægt að þátttaka verði góð og biðlað til allra þeirra sem verða í Neskaupstað á þessum tíma að bregðast vel við.



FJARDABYGGÐ